



LEMBARAN PENDEDAHAN PRODUK

Sila baca Lembaran Pendedahan Produk ini sebelum anda memutuskan untuk mengambil XTRA GUARD PA. Pastikan anda juga membaca semua terma-terma dan syarat-syarat am.

AIA General Berhad

XTRA GUARD PA

Tarikh: <mm/dd/yyyy>

1. Produk apakah ini?

XTRA GUARD PA adalah pelan kemalangan diri yang menyediakan pampasan sekiranya berlaku kecederaan, hilang upaya atau kematian yang disebabkan oleh kemalangan. Pelan Juvenil juga tersedia untuk produk ini.

2. Apakah perlindungan / manfaat yang disediakan?

Polisi ini menyediakan:

Pelan Dewasa

Manfaat-manfaat	Amaun Perlindungan	
	Pelan 1	Pelan 2
Manfaat Kematian dan Pengudungan Akibat Kemalangan	RM 100,000	RM 200,000
Bonus Ulang Tahun	50% setiap tahun bagi ulang tahun policy pertama dan kedua ke atas amaun perlindungan semasa bagi Manfaat Kematian dan Pengudungan Akibat Kemalangan	
Manfaat Perlindungan Berganda	RM 100,000	RM 200,000
Manfaat Kematian Akibat Kemalangan di Jalan Raya atau Manfaat Kematian Akibat Kemalangan dalam Pengangkutan Awam	RM 50,000	RM 100,000
Manfaat Pembayaran Balik Perubatan (setiap kemalangan)	Sehingga RM 2,000	Sehingga RM 2,000
Elaun Unit Rawatan Rapi Harian (sehingga maksimum seratus dua puluh (120) hari dari tarikh Kemalangan bagi setiap kemalangan)	RM 200 setiap hari	RM 300 setiap hari
Manfaat Rawatan Alternatif (setiap kemalangan)	Sehingga RM 600	Sehingga RM 800
Manfaat Tanggung Rugi Mingguan	RM 50 setiap minggu	RM 100 setiap minggu

Pelan Juvenil

Manfaat-manfaat	Amaun Perlindungan	
	Pelan 1	Pelan 2
Manfaat Kematian dan Pengudungan Akibat Kemalangan	RM 100,000	RM 200,000
Bonus Ulang Tahun	50% setiap tahun bagi ulang tahun policy pertama dan kedua ke atas amaun perlindungan semasa bagi Manfaat Kematian dan Pengudungan Akibat Kemalangan	
Manfaat Perlindungan Berganda	RM 100,000	RM 200,000
Manfaat Kematian Akibat Kemalangan di Jalan Raya atau Manfaat Kematian Akibat Kemalangan dalam Pengangkutan Awam	RM 50,000	RM 100,000
Manfaat Pembayaran Balik Perubatan (setiap kemalangan)	Sehingga RM 2,000	Sehingga RM 2,000
Elaun Unit Rawatan Rapi Harian (sehingga maksimum seratus dua puluh (120) hari dari tarikh Kemalangan bagi setiap kemalangan)	RM 200 setiap hari	RM 300 setiap hari
Manfaat Rawatan Alternatif (setiap kemalangan)	Sehingga RM 600	Sehingga RM 800
Manfaat Pembayar	Akan mendapat pengecualian pembayaran premium yang kena dibayar di bawah pelan ini jika pemilik polisi mengalami kehilangan nyawa atau hilang	

upaya menyeluruh dan kekal akibat kemalangan.

- Sila rujuk kepada Jadual Tanggung Rugi bagi Manfaat Kematian dan Pengudungan Akibat Kemalangan dalam kontrak polisi.
- Manfaat Kematian Akibat Kemalangan di Jalan Raya atau Manfaat Kematian Akibat Kemalangan dalam Pengangkutan Awam akan dibayar sebagai tambahan kepada Manfaat Kematian dan Pengudungan Akibat Kemalangan dan Bonus Ulang Tahun.
- Tempoh perlindungan ialah untuk satu tahun. Jika anda ingin meneruskan perlindungan anda untuk tahun-tahun berikutnya, anda perlu memperbaharui perlindungan insurans anda setiap tahun.

3. Berapakah premium yang perlu saya bayar?

Jumlah premium yang perlu anda bayar mungkin berubah bergantung pada keperluan penajajaminan. Premium tambahan mungkin ditambah kepada premium standard sekiranya risiko yang dikemukakan adalah lebih tinggi daripada risiko standard. Kami berhak mengubah premium yang dikenakan pada masa pembaharuan.

Premium untuk Xtra Guard PA digambarkan di bawah:

Pelan Dewasa

Mod Premium	Pelan 1		Pelan 2	
	Kelas 1 & 2	Kelas 3 & 4	Kelas 1 & 2	Kelas 3 & 4
Premium Tahunan	RM 291.50	RM 471.70	RM 534.24	RM 859.66
Premium Setengah Tahunan	RM 150.13	RM 242.93	RM 275.13	RM 442.73
Premium Suku Tahunan	RM 75.06	RM 121.47	RM 137.57	RM 221.36
Premium Bulanan	RM 25.37	RM 41.04	RM 46.48	RM 74.79

Pelan Juvenil

Mod Premium	Pelan 1A	Pelan 2A
Premium Tahunan	RM 206.70	RM 375.24
Premium Setengah Tahunan	RM 106.46	RM 193.25
Premium Suku Tahunan	RM 53.22	RM 96.63
Premium Bulanan	RM 17.99	RM 32.65

Nota:

- Amaun premium yang digambarkan di atas adalah termasuk cukai yang dikenakan oleh Kerajaan Malaysia pada kadar semasa.

4. Apakah yuran-yuran dan caj-caj yang saya kena bayar?

Jenis

Amaun

Kos Pengedaran Langsung yang dibayar kepada perancang hayat / pemimpin agensi/ perantara

24% daripada premium yang dibayar atau RM24 bagi setiap RM100 premium yang dibayar sebagai komisen dan komisen kelola.

Duti Setem*

RM 10.00

Cukai Kerajaan Yang Berkenaan

6% daripada premium yang dibayar atau RM6.00 bagi setiap RM100 premium.

* Berkuatkuasa 1 Januari 2022 hingga 31 Disember 2025, duti setem bagi polisi yang dikeluarkan kepada Pemilik Individu dengan jumlah premium tahunan RM150 dan ke bawah dikecualikan mengikut PERINTAH DUTI SETEM (PENGEQUALIAN) (NO. 16) 2021; kepada Pemilik Korporat yang berkecualikan sebagai perusahaan mikro, kecil dan sederhana dengan jumlah premium tahunan RM250 dan ke bawah dikecualikan mengikut PERINTAH DUTI SETEM (PENGEQUALIAN) (NO. 15) 2021.

5. Apakah di antara terma-terma dan syarat-syarat utama yang perlu saya ketahui?

- (a) **Kewajipan Pendedahan** – Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Cadangan/Permohonan (atau semasa memohon insurans ini). Anda dikehendaki menjawab soalan-soalan dalam Borang Cadangan ini dengan lengkap dan tepat.

Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.

Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.

Sebagai tambahan kepada soalan-soalan di dalam Borang Cadangan/Permohonan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.

Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan/Permohonan tidak tepat atau sudah berubah.

- (b) **Kelayakan** – Umur penyertaan bagi Pelan Dewasa ialah dari umur 16 ke 75 tahun dan pembaharuan adalah sehingga umur 85 tahun. Rakyat Malaysia (pekerjaan Kelas 1 hingga 4) atau penduduk asing / warga asing (pekerjaan Kelas 1 & 2 dengan permit kerja yang sah) layak memohon. Umur penyertaan bagi Pelan Juvenil ialah dari umur 14 hari hingga umur 15 tahun dan pembaharuan adalah sehingga umur 23 tahun, dengan syarat Anak itu belum berkahwin dan tidak bekerja.
- (c) **Tempoh Tangguh** – Tempoh tangguh selama 14 hari dari tarikh pengeluaran polisi atau tarikh pengembalian semula, yang mana terkemudian, adalah terpakai untuk perlindungan keracunan makanan di bawah Manfaat Rawatan Perubatan dan Elaun Unit Rawatan Rapi Harian
- (d) **Tempoh Ihsan** – Tempoh Ihsan selama tiga puluh satu (31) hari dari tarikh genap tempoh akan dibenarkan bagi bayaran untuk setiap premium selepas premium pertama di mana dalam tempoh ini polisi ini akan terus berkuat kuasa. Dengan syarat, jika kerugian berlaku dalam Tempoh Ihsan, maka sebarang baki premium yang genap tempoh belum dibayar bagi tahun polisi penuh di mana kerugian itu berlaku akan ditolak daripada prosid insurans yang dibayar di bawah polisi ini.
- (e) **Pertukaran Pekerjaan** – Anda perlu memaklumkan kami secara bertulis jika anda bertukar pekerjaan. Kami akan meneliti pekerjaan baru anda untuk menentukan, bagi tujuan insurans, sama ada ia masih tergolong dalam kelas pekerjaan yang boleh diinsuranskan bagi pelan ini.
- (f) **Bagaimanakah saya boleh membuat tuntutan?** – Anda perlu melengkapkan dokumen-dokumen tuntutan yang boleh didapati daripada perancang hayat anda/perantara atau, mana-mana cawangan AIA atau dengan menelefon AIA Care Line di 1 300 88 1899. Senarai cawangan AIA boleh didapati di www.aia.com.my. Anda mesti memberikan kami notis tuntutan bertulis mengenai sebarang kecederaan dalam tempoh 30 hari dari tarikh kemalangan yang menyebabkan kecederaan anda. Sekiranya berlaku kematian akibat kemalangan, notis tuntutan mestilah diberikan kepada kami dengan serta-merta. Kami juga menghendaki bukti tuntutan tersebut dikemukakan dalam tempoh 90 hari dari tarikh kemalangan. Bagi tuntutan berkaitan dengan kecederaan, bukti tuntutan termasuklah laporan perubatan, laporan polis dan bil perubatan / rawatan yang berkaitan dengan tuntutan itu. Bagi tuntutan kematian akibat kemalangan, bukti tuntutan termasuklah perakuan hospital, dokumen mengenai rawatan atau pemeriksaan perubatan, laporan polis, laporan bedah siasat dan sijil kematian atau keratan akhbar. Bukti identiti orang yang membuat tuntutan juga mesti dikemukakan.

Nota: Senarai ini adalah tidak terperinci. Sila rujuk kepada kontrak polisi untuk terma-terma dan syarat-syarat di bawah polisi ini.

6. Apakah pengecualian penting di dalam polisi ini?

- (a) Perang atau operasi seperti perang (sama ada perang diisytiharkan atau tidak)
- (b) Insured berkhidmat dalam angkatan tentera
- (c) Melanggar atau cubaan melanggar undang-undang
- (d) Bunuh diri atau kecederaan diri yang disengajakan
- (e) Gangguan mental atau saraf
- (f) Penggunaan sebarang jenis dadah/narkotik
- (g) Keadaan sedia ada
- (h) Kelahirkan anak, kehamilan atau keguguran
- (i) Kecacatan kongenital
- (j) Jangkitan bakteria, virus atau kulat
- (k) Rawatan perubatan atau pembedahan (kecuali rawatan yang diperlukan akibat kecederaan yang dilindungi di bawah pelan ini)
- (l) Sebarang jenis penyakit, sakit, Virus Kurang Daya Tahan Manusia (HIV) atau Sindrom Kurang Daya Tahan Melawan Penyakit (AIDS)
- (m) Sukan professional
- (n) Sebarang jenis perlumbaan
- (o) Terlibat di dalam sebarang aktiviti yang berbahaya

Nota: Senarai ini adalah tidak terperinci. Sila rujuk kepada kontrak polisi untuk senarai lengkap pengecualian di bawah pelan ini.

7. Bolehkah saya membatalkan polisi saya?

Anda boleh membatalkan polisi anda dengan memberi notis bertulis kepada kami. Apabila polisi anda dibatalkan, anda layak menerima pembayaran balik premium berdasarkan Jadual Pembatalan Kadar Jangka Pendek. Sila rujuk kepada kontrak polisi bagi Jadual Pembatalan Kadar Jangka Pendek.

8. Apakah yang perlu saya lakukan jika butir-butir hubungan / peribadi saya bertukar?

Adalah penting bagi anda memberitahu kami mengenai sebarang pertukaran kepada profil kehidupan anda termasuk pekerjaan dan kegiatan peribadi anda yang boleh mempengaruhi profil risiko.

9. Di manakah saya boleh mendapatkan maklumat lanjut?

Sekiranya Anda memerlukan maklumat tambahan mengenai produk ini, sila layari laman web kami di AIA.COM.MY.

Jika anda mempunyai sebarang pertanyaan, sila hubungi kami di:

AIA General Berhad 201001040438 (924363-W)

Menara AIA,

99 Jalan Ampang,

50450 Kuala Lumpur.

Tel: 1 300 88 1899

E-mel: MY.GI-Ops@aia.com

10. Perlindungan jenis lain yang serupa sedia ada.

Sila hubungi kami / perancang hayat anda / perantara untuk perlindungan jenis lain yang sama kami tawarkan.

NOTA PENTING:

ANDA DINASIHATKAN SUPAYA MEMBERI PERHATIAN KEPADA JADUAL TANGGUNG RUGI BAGI MANFAAT KEMATIAN DAN PENGUDUNGAN AKIBAT KEMALANGAN DALAM POLISI INSURANS ANDA. ANDA MESTILAH MENAMAKAN PENAMA DAN MEMASTIKAN PENAMA ANDA TAHU MENGENAI POLISI KEMALANGAN DIRI YANG TELAH ANDA BELI. ANDA HENDAKLAH MEMBACA DAN MEMAHAMI POLISI INSURANS DAN BERBINCANG DENGAN PERANCANG HAYAT/PERANTARA ATAU MENGHUBUNGI KAMI UNTUK MAKLUMAT LANJUT.

LEMBARAN PENDEDAHAN PRODUK INI MENGANDUNGI RINGKASAN PRODUK DAN BUKANLAH SATU KONTRAK INSURANS. KONTRAK POLISI AKAN SENTIASA DITERIMA PAKAI.

Maklumat yang diberikan dalam lembaran pendedahan produk ini adalah sah setakat <mm/dd/yyyy>.